


女科準繩

產後

五之中

痞悶	發熱	中風
腹脹	往來寒熱	顛狂
	蓐勞	驚悸
	虛羸	虛煩
		渴

特別
 19
 244
 14



明 賦 2
歸 卷 244
卷 14

中風
天 夫 產 後

中風
天 夫 產 後

平復起早勞動致使氣虛而風邪乘虛入之故中風
風邪冷氣客於皮膚經絡但疼痺羸乏不任少氣大
凡筋脉挾寒則攣急喎僻挾溫則縱緩虛弱若入諸
藏恍惚驚悸隨其所傷府藏經絡而生病焉 郭稽
中論曰產後中風者何答曰產後五七日內強力下
床或一月之內傷於房室或懷憂怒擾盪冲和或因
食生硬傷動藏府得病之初眼澁口噤肌肉瞶搖漸
至腰脊筋急強直者不可治此乃人作非偶爾中風

所得也 薛前證果外邪所屬形氣不足病氣有餘
當補元氣為主稍佐以治病之藥若強力不休月內
入房屬形氣俱不足當純補元氣多有復甦者若誤
投風藥乃促其危也

丹產後中風口眼喎斜必用大補氣血然後治痰當
以左右手脉分其氣血多少以治切不可作中風治
用小續命湯及發表治風之藥

防風湯 治產後中風背項強急胸滿短氣

防風

獨活 各去蘆

葛根 各伍兩

當歸

人參 各去蘆

白芍藥

甘草 炙各貳兩

右為呔咀每服捌錢水壹盞半棗子貳枚擘破同
煎至壹盞去滓溫服不拘時

川芎散 治產後中風身背拘急有如繩束

川芎

羌活 去蘆

酸棗仁

羚羊角屑

芍藥 各肆兩

桑白皮 壹兩半

防風 去蘆壹兩貳錢

為呔咀每服壹兩水貳大盞煎至壹盞半去滓不
拘時服日進三服

經効茯苓湯 治產後風虛頭痛語言謇澁

產後 女科五

茯苓 去皮 防風 去蘆

乾葛 各捌錢

麥門冬 去心 壹兩 芍藥

黃芩 各陸錢

犀角屑 肆錢 甘草 炙貳兩

右咬咀每服壹兩水壹大盞半煎至壹盞去滓温

服不拘時

鹿肉湯 治產後中風頭痛壯熱言語寒澀

鹿肉 叁斤 阿膠 炒脹 黃芩

茯神 去木 黃芪 蜜炙 甘草 炙

白芍藥 人參 獨活 各去蘆 各叁兩

桂心 乾地黄 川芎 各貳兩

半夏 湯洗壹兩

右為咬咀每服伍錢水肆盞鹿肉伍錢薑伍片同

煎至貳盞去鹿肉再煎至壹盞半入阿膠消化去粗

温服不拘時日進貳服

雲岐治產後中風半身手足不遂言語謇澁恍惚多

忘精神不定

獨活 當歸 芍藥

防風 川芎 玄參

天麻 各伍錢 桂心 叁錢

右咬咀以水捌升煮取貳升半分為叁服覺効更

產後中風 女科五

作一劑又作丸每服貳拾丸如有熱加葛根五錢
有冷加白朮五錢 若有氣證加生薑壹兩半若
手足不遂加牛膝壹錢半革薺叁錢黃芪肆錢
若腹痛加當歸芍藥各柒錢半 若不食加人參
伍錢玄參壹兩 若寒中三陰所患必冷小續命湯
湯加生薑煎 若暑中三陽所患必熱小續命湯
去附子減桂心一半加薄荷煎
保命血氣湯 治產後諸風痠攣無力

秦艽

羌活

防風

白芷

川芎

芍藥

當歸

白朮

茯苓

熟地黃

各等分

右為末一半蜜丸一半散酒調下伍柒拾丸妙

治產後風虛五緩六急手足頑痺氣血不調大豆壹
升炒令熟熱投參升酒中密封飲之

小品治產後中風語澁四肢拘急羌活參兩為末每
服伍錢水酒各半盞煎去滓溫服

華陀愈風散 治婦人產後中風口噤手足痲癱如
角弓或產後血暈不省人事四肢強直或心眼倒
築吐瀉欲死 用荆芥穗微焙為末每服叁錢豆淋酒

調服或童子小便服之口噤則挑齒灌之齟齬則灌入鼻中其効如神大抵產後大眩則汗出而腠理疎則易於中風也 時珍曰此方諸書盛稱其妙姚僧坦集驗方以酒服名如聖散云藥下可立待應効陳氏方名翠卿古拜散蕭存敬方用古老錢煎湯服名一捻金王貺指迷方加當歸等分水煎服許叔微本事方云此藥委有奇効神聖之功一婦人產後睡久反醒則昏昏如醉不省人事醫用此藥及交加散云服後當睡必以左手搔頭用之果然答殷產寶方云此病多因怒氣傷肝或憂氣內鬱或坐草受風而成急宜服此藥也戴氏證治要訣名獨行散賈似道悅生隨抄呼爲再生丹右產後中風用續命湯及羌活等發散之藥必詳氣血以四物四君子相與各半停對分兩服之可也

虛極生風 大產後下血過多虛極生風者何荅曰婦人以榮血爲主因產血下太多氣無所主唇青肉冷汗出目眩神昏命在須臾者此但虛極生風也如此則急服濟危上丹若以風藥治之則誤矣 **薛前證** 若心脾血氣俱虛用十全大補湯如不應加附子鈞

產後中風

女科五

六十五

藤鈎若肝經血虛用道遙散加鈎藤鈎經云脾之榮
在唇心之液為汗若心脾二藏虛極急用參附湯救
之 一婦人患前證或用諸補劑四肢逆冷自汗泄
瀉腸鳴腹痛余以陽氣虛寒用六君子薑附各加至
五錢不應以參附各壹兩始應良久不服仍腸鳴腹
痛復灸關元穴百餘壯及服十全大補湯方効
濟危上丹

乳香

五靈脂

硫黃

玄精石

同研極細

阿膠

炒服

卷柏

生用

桑寄生

陳皮

去白各等分

右將上四味同研停於銀石器內微少炒勿焦了
再研極細復入餘藥為末拌勻生地黄汁和丸如
梧子大每服貳拾丸溫酒或當歸酒送下食前

當歸建中湯

見產後腹痛

口噤 大夫產後中風口噤者是血氣虛而風入於頷
頰夾口之筋也手三陽之筋結入於頷產則勞損腑
臟傷於筋脉風若乘之其三陽之筋脉則偏持之筋
得風冷則急故令口噤也

葛根湯 治產後中風口噤仆地頭目眩暈痰盛氣
急及治產後諸疾

葛根

生薑各陸兩

獨活肆兩

當歸參兩各去蘆

甘草炙

桂心

白茯苓去皮

石膏

人參去蘆

白朮

防風各去蘆

川芎各貳兩

右為咬咀每服伍錢水貳盞煎至壹盞半去滓溫服無時日進二服

乾葛湯深師

療產後中風口噤不能言

獨活去蘆貳兩

乾葛壹兩半

甘草半兩炙

生薑壹兩貳錢半

右為咬咀每服壹兩水貳大盞煎至壹大盞去滓

溫服無時

天麻散

治產後中風口噤

天麻柒錢半

白附子炮

天南星炮

半夏湯洗柒遍去滑薑製

乾蠍炒各半兩

右為細末每服壹錢生薑薄荷酒調下幹開口灌之不拘時

當歸散

治婦人產後中風牙關緊急不省人事口

吐涎沫手足痲痺

當歸去蘆

荊芥穗各等分

右為細末每服貳錢水壹盞酒半盞煎至壹盞灌

之如牙關緊急，斡開微微灌之，但下咽即生，屢用救人大有神効。

伏龍肝散 治產後中風口噤不能語言腰背疼痛

伏龍肝 壹兩半

乾薑 半兩

為細末，每服貳錢，溫酒調下，不拘時日，進二服。

交加散 治產前後百病兼治婦人榮衛不通經脈不調腹中撮痛氣多血少結聚為瘕產後中風並宜服之。

生地黄

壹升研取自然汁

生薑

拾貳兩研取自然汁

右先將地黃汁炒生薑，萍生薑汁炒地黃，萍各稍

乾焙為細末，每服叁錢，溫酒調下，尋常腹痛亦宜服，產後尤不可離。

角弓反張

大夫產後角弓反張者，是體虛受風，風入

諸陽之經也。人陰陽經絡周環於身，風邪乘虛入於諸陽之經，則腰背反折，攣急如角弓之狀也。薛前

證因氣血耗損，腠理不密，汗出過多而患之者，乃虛象也。宜固氣血為主，佐以本方。丹溪云：產後當大補氣血，為先。雖有他證，以末治之。如惡寒發熱等證，乃氣血虛甚之極也。宜大劑參芪歸朮肉桂以培養之。如不應急，用炮附子，再不應用人參壹兩，炮附子貳

參錢名參附湯借猶未應乃藥力未能及也宜多用之

愈風散 當歸湯 羌活酒並見前

羚羊角散 治產後中風身體反張

羚羊角屑 當歸各米錢半 獨活

防風各去蘆 麻黃去節各壹兩 人參去蘆

赤芍藥 細辛去苗 桂心各半兩

右為咬咀每服捌錢水壹大盞半生薑伍片煎至壹大盞去滓溫服不拘時

小品療產後中風虛人不可服他藥者一物獨活湯

主之及一物白鮮湯主之亦可與獨活合煮之

川獨活參兩細切

右水參升煮取壹升分服柰酒者亦可酒水煮

一物白鮮湯 用白鮮皮亦依獨活法

產後中風瘖口噤面青手足急強者

以竹瀝貳升分為五服溫溫頻服大効

治產後中風角弓反張口噤不語方

川烏伍兩剉如豆大

右取黑豆半升同炒半黑以酒參升傾於鑊內急攪以絹濾取酒微溫服壹小盞取汗若口不開者

產後 女科五
一
幹開口灌之未効加烏雞糞壹合炒熟入酒中服之以瘥為度

千金雞矢醴 療產後中風及男子諸風并產後百疾神効方又治產後中風口噤拘困篤腰背強直時時反折

烏雞屎 叁升 大豆 貳升

右先炒豆令聲絕次炒雞屎令黃以酒壹升先淋

雞屎取汁淋大豆每服壹升重者凡四五服極妙

張文仲療產後中風風痙偏身冷直口噤不識人方

白朮 肆兩 以酒叁升煮取壹升頓服効

產後血虛 大產後血虛腠理不密故多汗因遇

風邪搏之則變痙痙者口噤不開背強而直如發癩狀搖頭馬鳴身反折須臾拾發氣息如絕宜速斡口灌小續命湯稍緩即汗止如兩手摸控者不可治也

薛產後發痙因去血過多元氣虧極或外邪相搏以致牙關緊急四肢痙強或腰背反張肢體抽搐若有汗而不惡寒者曰柔痙若無汗而惡寒曰剛痙然產後患之實由亡血過多筋無所養而致故傷寒汗下過多潰瘍膿血大泄多患之乃敗證也若大補血氣多保無虞若攻風邪死無疑矣 一產婦牙關緊

急腰背反張四肢抽搐兩目連劄余以爲去血過多
元氣虧損陰火熾盛用十全大補加炮薑一劑而甦
又數劑而安 余在吳江史萬湖第入更時聞喧嚷
云某家人婦忽仆牙關緊急已死矣詢云是新產婦
出直厨余意其勞傷血氣而發瘳也急用十全大補
加附子煎滾令人推正其身一人以手夾正其面却
窅開其口將藥灌之不嚥藥已冷令側其面出之仍
正其面復灌以熱藥又冷又灌如此五次方嚥下隨
以熟藥遂甦 夷堅志云杜壬治郝質子婦產四
足戴眼云背反張壬以爲瘳病與大豆紫湯獨
活湯而愈政和間余妻方分娩猶在聲中忽作此證
頭足反接相去幾二尺家人驚駭以數婢強拗之不
直適記所云而藥草有獨活乃急爲之召醫未至連
進三劑遂能直醫至卽愈矣更不須用大豆紫湯古
人處方神驗屢矣

小續命湯 治產後中風及剛瘳柔瘳

陳臨川云雖然陳無擇評曰產後汗出多變瘳亦
令服續命湯此又難信旣汗多如何更服麻黃官
桂防已黃芩輩不若大豆紫湯爲佳局方大聖散
亦良藥也愚觀朱奉議云凡剛柔二瘳小續命湯

並可加減與之若柔瘳自汗者去麻黃加葛根之說朱奉議必有所據雖大豆紫湯大聖散良亦不可偏見曲說有妨古人之意

大豆紫湯 治中風頭眩惡風自汗吐冷水及產後百病或中風癱瘓背強口噤直視煩熱脉緊大者不治 小品方主產後中風困篤背強口噤或但煩躁或頭身皆重或身重痒發嘔吐直視並宜服之

川獨活

去蘆壹兩半

大豆

半升

酒

叁升

右先用酒浸獨活煎一兩沸別炒大豆極焦烟出

急投酒中密封候冷去荳每服壹貳合許得少汗則愈口進十服此藥能去風消血結如妊娠折傷胎死腹中服此得瘥

陳臨川云凡產後口噤腰背強直角弓反張皆名曰瘳又名曰瘳古人察有汗無汗以分剛柔陰陽而治今產寶諸書有中風口噤一門又有角弓反張一門其實一也如增寒發熱有類傷寒皆不論及豈可只以一二藥治之

大豆湯 治產後中風發則仆地不省人事及妊娠挾風兼治蓐草之間諸般病證

大豆伍升炒黃

獨活去蘆

葛根各捌兩

防已去皮陸兩

右咬咀每服伍錢酒貳盞煎至壹盞半去粗溫服不拘時日三服

麝羊角飲子 治產後氣實腹中堅硬兩脇脹滿心

中煩熱渴欲飲水欲成剛瘕中風之疾

麝羊角半兩鎊 防風 羌活

桔梗並去蘆 敗醬各捌錢 桂心

柴胡去蘆 大黃浸過煨各壹兩貳錢

為咬咀每服五錢水壹大盞半同煎至壹盞去粗

溫服不拘時候更服地黃酒用地黃切壹升炒令

黑甕瓶中下熱酒參升密封口煮令減半任意服

之

防風當歸散

防風 當歸 川芎

地黃各壹兩

右剉每服壹兩水參盞煎至貳盞溫服

婁氏云續命湯大豆紫湯舉鄉古拜散太陽厥陰藥也邪實脉浮弦有力者固宜但產後血氣太虛之人不宜輕發其表似用防風當歸散治之為妙

瘈瘲

薛瘈者筋脉拘急也瘲者筋脉張縱也經云肝主筋而藏血蓋肝氣爲陽爲火肝血爲陰爲水前證因產後陰血去多陽火熾盛筋無所養而然耳故癰疽膿水過多金瘡出血過甚則陽隨陰散亦多致此治法當用八珍加丹皮釣藤以生陰血則陽火自退諸證自愈如不應當用四君芎歸丹皮釣藤以補脾土蓋血生於至陰至陰者脾土也故小兒吐瀉之後脾胃虧損亦多患之乃虛象也無風可逐無痰可消若屬陽氣脫陷者用補中益氣加薑桂陽氣虛敗者用十

全大補加桂附亦有復生者此等證候若肢體惡寒
脉微細者此為真狀若脉浮大發熱煩渴此為假象
惟當固本為善若無力抽搐戴眼反折汗出如珠流
者皆不治 一產婦因勞兩臂不能屈服蘇合香丸
肢體痿軟汗出如水余謂前藥辛香耗散真氣腠理
虛而津液妄泄也先用十全大補湯加五味子補實
腠理收斂真氣汗頓止又佐以四君子調補元氣漸
愈用逍遙散大補湯調理而痊 一產婦先胸脇乳
內脹痛後因怒口噤吐痰臂不能伸小便自遺左三
部脉弦余謂此肝經血虛而風火所致不能養筋先
用加味道逍遙散治之臂能屈伸又以補肝散六味丸
諸證悉愈 一婦人發熱遺尿自汗面赤或時面青
飲食如故肝脉弦緊余曰此肝經血燥風熱名瘕也
肝主小便其色青入心則赤法當滋陰血清肝火遂
用加味道逍遙散不數劑諸證悉退而安 一婦人產
後血風患此以小續命湯數服而安

產後因虛傷風瘕同傷寒表證未傳入裏宜服防
風湯

防風湯 治風虛 不隨恍惚狂
言來去無時不自覺悟亦治 後弱甚効此藥

温和不虛人

秦艽 去苗土

獨活 去蘆

麻黃 去節

半夏 湯洗柒次切片

防風 去蘆各貳兩

升麻

防已

白朮

石膏 煨

芍藥 白者

白芍

甘草

當歸 去蘆

遠志 去青

人參 去蘆各壹兩

右為麤末入半夏片令勻每服肆錢水貳中盞生薑柒捌片煎至壹盞去滓取清汁陸分入麝香末少許食後臨卧帶熱服

海藏愈風湯 即華佗愈風散

愈風散 即當歸散並見產後中風

增損柴胡湯 治產後感異證手足牽搐涎潮昏悶

柴胡 叁錢

黃芩 壹錢貳分

人參

甘草 炙

半夏 各壹錢半

知母 壹錢

石膏 貳錢

黃芪 貳錢半

右咬咀分二服水貳盞薑叁片棗貳枚煎捌分不拘時服

秦艽湯 前證已去次服此藥去其風邪

秦艽

芍藥

柴胡 各壹錢柒分

甘艸 炙壹錢叁分

黃芩

防風 各壹錢貳分

人參

半夏 各壹錢

右為咬咀分二貼每貼水貳盞薑參片煎捌分食
遠服

拘攣

大產後中風筋脉四肢攣急者是氣血不足臟腑俱
虛月內未滿起早勞役動傷臟腑虛損未復為風所
乘風邪冷氣初客於皮膚經絡則令人頑痺不仁羸
乏少氣風氣入於筋脉挾寒則攣急也 薛肝屬木
而主筋前證若肝經風熱血燥用加味道遙散如不
應當用六味地黃丸以補腎水經云風客淫氣精乃
亡邪傷肝也仍參前雜證諸風血方論治之 一產
婦筋攣臂軟肌肉掣動此氣血俱虛而自熱也用十
全大補湯而安 一產婦手麻服愈風丹遍身皆麻

神思倦怠余謂氣血虛弱用十全大補加炮薑數劑
漸愈去薑又數劑及逍遙散而痊

芎藭散 治產後中風四肢筋脉攣急痰痛背項強
急

芎藭

羌活

當歸 各去蘆

酸棗仁 炒

羚羊角屑 各半 錢半 防風 去蘆

牛蒡子 各壹兩 炒

桂心

赤芍藥 各半兩

右為咬咀每服捌錢水壹大盞半煎至壹大盞去
粗溫服不拘時

薛前方如未應當用八珍湯更不應用十全大補

湯

防已膏 治產後中風四肢筋脉攣急身體麻痺並
宜用之

漢防已

去皮 半斤

茵芋

伍兩

右為咬咀用酒五升浸藥壹宿取豬肪脂壹斤文
武火熬三上三下成膏攤在紙花上貼病人患處
以熱手不住摩膏上

不語

夫人心有七孔三毛產後虛弱多致停積敗血閉於
 心竅神志不能明了又心氣通於舌心氣閉塞則舌
 亦強矣故令不語但服七珍散 薛經云大腸之脉
 散舌下又云脾之脉是動則病舌本強不能言又云
 腎之別脉上入于心繫舌本虛則不能言竊謂前證
 若心腎氣虛用七珍散腎虛風熱地黃飲大腸風熱
 加味道遙散加防風白芷脾經風熱秦艽升麻湯肝
 經風熱柴胡清肝散加防風白芷脾氣鬱結加味歸
 脾湯加升麻肝木太過小柴胡加釣藤鈎脾受土侮

六君加升麻白芷釣藤鈎肝脾血虛用佛手散脾氣
 虛用四君子氣血俱虛八珍湯如不應用獨參湯更
 不應急加附子補其氣而生其血若竟用血藥則誤
 矣 一產婦不語用七珍散而愈後復不語內熱喘
 熱肢體倦怠飲食不進用加味歸脾湯為主佐以七
 珍散而愈後因怒不語口噤腰背反張手足發搐或
 小便見血面赤或青或黃或時兼赤余曰面青肝之
 本色也黃者脾氣虛也赤者心血虛也用八珍湯加
 釣藤鈎茯苓遠志漸愈又用加味歸脾湯而痊

七珍散

人參

石菖蒲

生地黄

川芎 各壹兩

細辛 壹錢

防風

辰砂 別研各半兩

右為極細末每服壹錢薄荷湯調下無時

胡氏孤鳳散

治產後閉目不語用生白礬末每服

壹錢熱水調下

治產後不語

人參

石蓮肉 不去心

石菖蒲 各等分

右每服伍錢水煎

逐血補心湯

治產後失音不語

紅花

赤芍藥

生地黄

桔梗

蘇葉

前胡

茯苓

防風

牛膽南星

黃連

粉葛 各貳錢

當歸 叁錢

薄荷

人參

升麻 各壹錢

半夏

貳錢伍分 甘草 壹錢

右劉為散分作二服每服水壹鍾半薑叁片煎至
柒分空心服滓再煎服

狂言謔語

天夫產後語言顛倒或狂言謔語如見鬼神者其源
不一須子細辨證用藥治療產後驚風言語亂道如
見鬼神精神不定者研好朱砂酒調下龍虎丹 方見
三丸作一服燕琥珀地黄丸服之 一則因產後心
虛敗血停積上干於心而狂言獨語者當在乍見鬼
神條求之 二則產後臟虛心神驚悸志意不安言
語錯亂不自覺知神思不安者當在驚悸條求之
三則宿有風毒因產心虛氣弱腰背強直或歌哭嗔
笑言語亂道當作風痙治療當在心驚中風條求之

四則產後心虛中風心神恍惚言語錯亂當在中風恍惚條求之 五則產後多因敗血迷亂心經而顛狂言語錯亂無常或暈悶者當於本卷血暈類中求之 六則因產後感冒風寒惡露斬然不行增寒發熱如瘧書日明了暮則譫語如見鬼狀當作熱入血室治之宜琥珀地黄丸及四物湯只用生乾地黄加北柴胡等分煎服如不退者以小柴胡湯加生乾地黄如黃芩分兩煎服愈雖然已上諸證大抵胎前產後自有專門一定之法毫髮不同如產後首當逐散生新然後子細詳辨疾證不可妄立名色自生新意加減方藥大宜對證依古法施治未有不妥者也

薛前證當固胃氣為主而佐以見證之藥若一於攻痰則誤矣 一產婦形體其倦時發譫語用栝子散稍愈又用加味歸脾湯而愈又因怒仍狂言脇痛小便下血用加味逍遙散以清肝火養肝血頓瘥又佐以加味歸脾湯而安

雲岐奪命散 血暈

治產後敗血衝心發熱狂言奔走脉虛大者

乾荷葉

生乾地黄

牡丹皮 等分

右三味濃煎湯調生蒲黃末貳錢匕一服即定

局方妙香散治產後心神顛倒語言錯亂如見鬼神
用生乾地黃當歸二味煎湯調服立効

烏金散 治產後三五日或半月之間忽狂言亂語
目見神鬼等證

當歸

遠志肉

川芎

酸棗仁

白朮

赤芍藥

香附子

辰砂 另研入

熟地黃

羌活

防風 各貳錢

茯神 貳錢

半夏 叁錢

全蠍

麥門冬

人參

牛膝

天麻 各壹錢

甘草 玖分

陳皮

白芷 各壹錢 伍分

右剉散作二服水壹鍾半薑叁片葱三枝入金銀
同煎壹碗不拘時溫服

四物補心湯

治產後言語恍惚顛倒錯亂

當歸 伍錢

川芎

生地黃

白芍藥

茯神

半夏

桔梗

白朮 各肆錢

陳皮 叁錢

甘草 壹錢

右剉為散分作六服每服用水壹鍾薑叁片煎至
柒分空心溫服滓再煎服 有熱加酒炒黃連貳

錢無熟不用

女科五

八十四

顛狂

天療產後因驚敗血衝心昏悶發狂如有鬼祟宜用

局方大聖澤蘭散

宜自合者方有効

加好辰砂研令極細每

服加壹字許煎酸棗仁湯調下一服可安

薛前證

乃血虛神不守舍非補養元氣不可仍參後各門互

用 一產婦患前證或用大澤蘭湯而愈後又怔忡

妄言其痰甚多用茯苓散補其心虛頓愈又用八珍

散加遠志茯苓神養其氣血而瘥 一產婦亦患此證

用化痰安神等藥病益甚神思消爍余以為心脾血

氣不足用大劑參朮芎歸茯苓神酸棗仁四斤餘而安

乃以歸脾湯五十餘劑而愈

大聖澤蘭散 治婦人血海虛冷久無子息及產後

敗血衝心中風口噤子死腹中擘開口灌藥須臾

生下便得無恙治墮胎腹中攻刺疼痛橫生逆產

胎衣不下血運血癖血滯血崩血入四肢應血藏

有患及諸種風氣或傷寒吐逆咳嗽寒熱往來遍

身生瘡頭痛惡心經脉不調赤白帶下乳生惡氣

胎藏虛冷數曾墮胎崩中不定因此成疾室女經

脉不通並宜服之常服暖子宮和血氣悅顏色退

風冷消除萬病兼療丈夫五勞七傷虛損等病

澤蘭葉

石膏 研各 貳兩

卷栢 去根

白茯苓 去皮

防風 去蘆

厚朴 去蘆皮 薑汁多

細辛 去苗

栢子仁 微炒

桔梗

吳茱萸 湯洗去灰 炒各壹兩

五味子 揀淨

人參

藁本 去苗

乾薑 炮

川椒 去目閉口 微炒出汗

白芷

白朮

黃芪 去苗

川烏頭 炮去 皮臍

丹參 各柒錢半

蕪荑 微炒赤

甘草 炙

川芎

芍藥

當歸 各壹兩 柒錢半

白薇

阿膠 碎炒燥 各半兩

肉桂 壹兩貳 錢半

牛乾地黃 壹兩 半

右為細末每服貳錢空心臨卧熱酒調下若急疾不拘時日三服

何氏方治產後因敗血及邪氣入心如見祟物顛狂大辰砂壹錢重研令極細人乳三四茶脚許調仍掘紫項活地龍一條入藥候地龍滾三滾取出地龍不用不令帶藥出但欲得地龍身上涎耳却入無灰酒與前乳汁相和七八分盞重湯温遇疾作分三二服

乍見鬼神

天心主身之血脉因產傷耗血脉心氣虛則敗血停積上干於心心不受觸遂致心中煩躁卧起不安乍見鬼神言語顛錯醫人不識呼為風邪如此治必不得愈但服調經散每服加龍腦壹捻得睡即安薛前證若敗血停滯用調經散若血虛發熱用八珍加炮薑若心血虛損用柏子仁散大抵此證皆心脾血少所致但調補胃氣則痰清而神自安矣若果係鬼祟所附即灸鬼穴可愈其或不起者多因豁痰降火攻伐之過也 一產婦患前證或用調經散愈而

產後乍見鬼神

二

復作仍服前藥益甚痰涎上湧朝寒暮熱余朝用八
珍散夕用加味歸脾湯各五十餘劑而愈

換熱

雲岐治產後發熱狂言奔走脉虛大者四物湯加柴
胡如不愈加甘草柴胡生地黃等分煎服亦可

廣濟治產後血暈心悶不識人神言鬼語氣急欲絕

見血暈

換寒

調經散

沒藥

琥珀並細研

桂心各壹錢

芍藥

當歸各貳錢半

麝香研

細辛各半錢

右為末每服半錢生薑汁温酒各少許調服

茯神散 治產後血邪心神恍惚言語失度睡卧不
安

茯神壹兩去皮木

人參

龍齒研

琥珀研

赤芍藥

黃芪

牛膝各柒錢半

生地黄壹兩半

桂心半兩

右為末每服參錢水壹盞煎至柒分不拘時去滓
温服

温服

治方產一日言語顛倒用蘇合香丸壹錢以童便調
服即甦

虛

柏子仁散 治產後狂言亂語皆因內虛敗血挾邪

氣攻心

柏子仁

遠志 去心

人參

桑寄生

防風

琥珀 別研

當歸 焙

生地黄 焙

甘草 各等分

右為粗末先用白羊心壹箇切片以水壹大盞半先煮至玖分去羊心入藥末伍錢煎至陸分去滓無時服

與前顛狂譫語門參看

驚悸

大產後臟虛心神驚悸者由體虛心氣不足心之經為風邪所乘也或恐懼憂迫令心氣受於風邪邪搏於心則驚不自安若驚不已則悸動不定其狀目睛不轉而不能動診其脉動而弱者驚悸也動則為驚弱則為悸矣 **薛**按人之所主者心心之所主者血心血一虛神氣不守此驚悸所由作也當補氣血為主 一產婦患前證二度服琥珀地黄丸局方妙香散隨効再患服之其症益甚而脉浮大按之如無發熱惡寒此血氣俱虛用十全大補加味歸脾二湯各

百餘劑而愈後遇驚恐勞怒復作仍服前藥而安

大產後心悶氣絕眼張口噤遍身強直腰背反偃狀

如癩疾心忪驚悸言語錯亂皆是宿有風毒因產心

氣虛弱發成風癱 **薛**按仲景先生云有汗為柔癱

用桂枝湯無汗為剛癱用麻黃湯然產後得此血氣

俱乏之敗證也不可與傷寒例看丹溪先生云產後

當大補氣血為主可用十全大補湯以補元氣如不

應急加附子更不應是藥力弗逮也仍用參附湯多

服余常治太虛之證參芪數斤附子數枚方愈 一

產婦患此不省人事言語妄甚惡風寒喜熱飲形氣

倦怠脉虛浮無力余謂血氣虛寒用十全大補湯二

十餘劑不應又二十餘劑稍緩乃漸加附子至一錢

服數劑諸證減一二又二十餘劑十退三四乃去附

子五分數劑諸證頓退而安又發仍服前藥加附子

三五分而愈

白茯苓散 治產後心神驚悸言語失常心神昏憤

白茯苓 去皮

熟地黄

人參 去蘆各壹兩半

遠志 去心

白芍藥

黃芪 去蘆

桂心

當歸 炒去蘆

甘草 炙

麥門冬

各壹兩去心

石菖蒲

桑寄生

各柒錢半

右為咬咀每服捌錢水壹大盞半生薑伍片棗叁枚竹葉參柒片煎至壹大盞去滓溫服無時

熟乾地黄散 治產後心虛驚悸神思不安

熟乾地黄 貳兩 黃芪 去蘆 白薇 茯苓 去木

龍齒 另研 各壹兩 人參 去蘆 遠志肉 各柒錢半 桂心

羌活 防風 去蘆 甘草 炙各半兩

右為咬咀每服五錢水壹大盞半生薑五片棗叁枚煎至壹大盞去滓溫服不拘時一方無黃耆有荆芥

產乳七寶散 初產後服之調和血氣補虛安心神

鎮驚悸

朱砂 水飛 桂心 當歸 去蘆

川芎 人參 去蘆 白茯苓 去皮

羚羊角 燒存性 各貳錢 乾薑 壹錢

為細末每服壹錢用羌活豆淋酒調下將護產婦用之

飲酒用清米飲調下 如覺心煩熱悶以麥門冬

去心煎湯調下若心下煩悶而痛用童便調下若

覺心胸煩熱即減薑桂覺寒却加之腹痛加當歸

心悶加羚羊角心虛氣怯加桂心不思飲食或惡

心加人參虛煩加茯苓以意斟酌日二夜一服之

海藏大効牡丹散 治血臟虛風及頭目不利不思飲食手足煩熱肢節拘急疼痛胸膈不利大腸不調陰陽相干心驚怯悸或時旋暈

牡丹皮

川芎

枳殼 麩炒各壹兩

陳皮

玄胡索

甘草

羌活

半夏 湯洗各半兩

木香

訶子肉

芍藥 各柒錢半

三稜 炒

乾薑 炮

桂心 各伍錢

當歸 壹兩半

白朮 炒叁錢

右為細末每服貳錢水壹盞半煎五七沸食前溫

服益血海退血風勞攻注消寒痰實脾胃理血氣
攻刺及氣虛惡寒潮熱證至妙

遠志丸

治產後臟虛不足心神驚悸志意不安腹

中急痛或時怕怖夜卧不安

遠志

麥門冬 各去心

黃芪

當歸 炒

人參

白朮

獨活 各去蘆

白茯苓 去皮

桂心

栝子仁

石菖蒲

熟乾地黄

山茱萸

鍾乳粉

阿膠 碎炒各壹兩

右為細末煉蜜和搗五七百下丸如梧桐子大每

服參拾丸温酒送下不拘時候日進二服

白茯苓丸 治產後心虛驚悸神志不安

白茯苓 去皮 熟乾地黄 各壹兩 人參 去蘆

桂心 遠志 去心 石菖蒲

栝子仁 琥珀 各半兩 另研細

右為細末煉蜜和搗三二百下丸如栝子大每服參拾丸不拘時粥飲送下

右方俱用桂中無熱而脉遲且微者宜之

人參散 治產後臟腑虛心怔驚悸言語錯亂

人參 去蘆 麥門冬 去心 各別錢 牛黃 別

白薇 各貳錢 茯神 去木 獨活

防風 各去蘆 遠志 去心 生地黄

朱砂 水飛 天竺黃 另研 甘草 炙

龍齒 研各肆錢 龍腦 另研 麝香 細研 各壹錢

右為細末每服貳錢薄荷酒調下不拘時

琥珀地黄散 治血虛多驚及產後敗血諸疾

辰砂 琥珀 沒藥 並細研

當歸 各等分

右為細末每服貳錢空心白湯調下日三服

茯苓散 療產後狂語志意不定精神昏亂心氣虛

風邪所致

茯苓 一方用
茯苓神

生地黄 各參
兩

遠志

白薇

龍齒 各貳兩
伍錢

防風

人參

獨活 各貳兩以
上共為末

右以銀壹大斤水壹斗五升煮取柒升下諸藥煮

取參升溫分三服忌菘菜猪肉生冷一方治產後
風邪所于心

神恍惚志意不定加荆芥
貳兩甘草壹兩貳錢半

療產後多虛羸弱若大汗利皆至於死此重虛故也

若中風語謬昏悶不知人者宜服此

人參

茯苓

羌活

大棗

遠志 各貳
兩

竹瀝 壹升

右用水陸升煮取參升下竹瀝更煎取貳升半分

三服

抱膽丸 治產後血虛驚氣入心及顛癇風狂或室

女經脉通行驚邪蘊結

水銀 貳兩

黑鉛 壹兩半

朱砂 壹兩另
細研

乳香 壹兩另
細研

右將黑鉛入銚子內鎔化下水銀結成砂子次下
朱砂滴乳末乘熱用柳木槌研勻丸如芡實大每
服壹丸空心金銀薄荷湯化下得睡切莫驚動覺

來即安 妙香散亦善

恍惚

大產後中風恍惚者由心主血血氣通於榮衛臟腑
 遍循經絡產則血氣俱傷五臟皆虛榮衛不足即為
 風邪所乘則令心神恍惚不定也 醒前證當大補
 血氣為主而佐以後方為善蓋風為虛極之假象也
 固其本源諸病自退若專治風則速其危矣 一產
 婦患前證盜汗自汗發熱晡熱面色黃白四肢畏冷
 此氣血俱虛用八珍湯不應更用十全大補加味歸
 脾二湯始應後因勞怒發厥昏憤左目牽緊兩唇抽
 動小便自遺余謂肝火熾盛用十全大補加釣藤山

梔而安再用十全大補湯辰砂遠志丸而愈
千金療產後暴苦心悸不定言語錯亂恍惚皆因心
虛所致

茯苓 參兩

芍藥 貳兩

甘草

桂心

當歸 各壹兩

生薑 壹兩半

麥門冬 去心壹升

大棗 參拾枚

右為散水參升煎取壹升去滓分作兩服

經効療產後心虛忪悸志意不定煩躁恍惚

茯苓

當歸

黃芩

麥門冬 去心

甘草

人參

芍藥

酸棗仁

白鮮皮 各參兩

大棗 柒枚

右為粗末水貳升煮取柒合去滓溫服

琥珀散 治產後中風恍惚語澁心神煩悶四肢不

隨

琥珀 另研

茯苓 去木各壹兩

遠志 去心

石菖蒲

黃芪

防風

獨活

人參 各去蘆

麥門冬 去心

芍藥

桑寄生

赤芍藥

羚羊角屑 各半兩

甘草 貳錢半炙

右為呔咀每服五錢水壹中盞半煎至壹大盞去滓温服不拘時

遠志散 治產後中風心神恍惚言語錯亂煩悶睡卧不安

遠志 去心

防風 去蘆各壹兩

麥門冬 去心

酸棗仁 炒

桑寄生

獨活 去蘆

桂心

當歸 去蘆炒

茯神 去木

羚羊角屑 各柒錢半 甘草 炙半兩

右為呔咀每服伍錢煎服法同前

天麻丸 療產後中風恍惚語澀四肢不隨

天麻

硃砂 水飛

防風 去蘆

羌活 去蘆各壹兩

僵蠶 炒柒錢半

乾蝎 炒

白附子 炮

五靈脂 炒各半兩

雄雀糞 炒

牛黃 另研各貳錢半

右為細末糯米飯為丸如梧子大每服貳叁拾丸薄荷酒送下日進二服

辰砂遠志丸 主產後中風消風化痰安神鎮心

石菖蒲

遠志肉 甘草煮

人參

茯神 去木

辰砂 各伍錢

川芎

山藥

鐵粉

麥門冬 去心

細辛

天麻

半夏

湯泡

南星

白附子

各壹兩

右為末薑汁煮糊丸如菉豆大別以朱砂為衣每服參拾九夜卧生薑湯吞下

虛煩

薛論見發熱條

四物湯加茯神遠志治產後虛煩

十全大補湯尤効

餘血

大餘血奔心盖是分解了不便與童子小便并擗心下及卧太速兼食不相宜之物所致但能依方療之

無不痊可

療產後餘血不盡奔衝心煩悶腹痛

川芎

生乾地黄

枳殼

芍藥

各等分為末

右酒服方寸匕日二服

集驗療產後血氣煩方

千金同

生地黄汁

清酒

各壹升

右相和煎壹沸分為兩服

廣濟療血氣煩悶方 生藕汁飲貳升効竹瀝亦得

療產後七日內宿血不散時時衝心迷悶

荷葉

壹兩柒錢半

延胡索

貳兩

地黄汁

貳合

右水貳升煮二味取捌合下延胡索分三服空心

忌肉食一日

療產後餘血攻心或下血不止心悶面青冷氣欲絕

羊血壹盞頓服若不定更服立効

經効療產後氣虛冷搏於血血氣結滯上衝心腹脹

蒲

當歸

桂心

川芎

吳茱萸

橘皮

生薑

各壹兩

芍藥

貳兩

右吹咀以水參升煮取壹升去滓空心服

治產後餘血奔心

用陳白梅槌碎渴煎湯飲

金黃散 治產後惡血衝心時發煩躁

玄胡索

蒲黃

各半兩

桂心

貳錢半

右為細末烏梅煎湯冷調下貳錢

沒藥丸 治產後心胸煩躁惡血不快

沒藥 研

蠻薑

延胡索

乾漆 炒

當歸

桂心

牛膝

牡丹皮

乾薑 各等分

右為細末醋煮麵糊丸如梧桐子大煎麩湯下拾丸至拾伍丸

補遺治產後餘血衝心煩悶腹痛 用蒲黃 不以隔

紙炒每壹錢東流水煎湯調下 又失笑散亦佳

治產後短氣欲絕心中煩悶竹葉湯

竹葉 切細

麥門冬

小麥 各壹升

甘州 壹兩

生薑 貳兩

大棗 拾貳枚

右切以水壹斗煮竹葉小麥至捌升去滓納餘藥

煮取參升去滓溫服虛悸加入人參貳兩少氣力加

糯米伍合

甘竹茹湯 治產後內虛煩熱短氣方

甘竹茹 壹升

人參

茯苓

甘草 各壹兩

黃芩 參兩

右咬咀以水陸升煮取貳升去滓分三服日三

人參當歸湯 治產後去血過多血虛則陰虛陰虛

生內熱令人心煩短氣自汗頭痛

熟地黄

人參 去蘆

當歸身 去蘆

肉桂 去粗皮 麥門冬 去心各 貳錢 白芍藥 炒 貳錢

血熱甚者加生地黃貳錢

水貳鍾粳米壹合竹葉拾片煎至壹鍾食遠服

氣 薤白湯 治產後胸中煩熱逆氣方

薤白 半夏 甘草

人參 各壹兩 栝蒌根 貳兩 麥門冬 半升

右吹咀以水壹斗參升煮取肆升去滓分伍服日

三夜二熱甚加知母壹兩

得 雲岐治產後虛煩不得眠芍藥梔鼓湯

芍藥 當歸 梔子 各伍錢 香豉 半合

右如梔子豉湯修服產後傷寒便同下後變證此

雖雲岐法不若仲景酸棗湯穩當

中風 四肢 煩熱

仲景二物黃芩湯 婦人在草褥自發露得風四肢

苦煩熱頭痛者與小柴胡湯頭不痛但煩者此湯

主之 小柴胡湯見傷寒少陽病

黃芩 壹兩 苦參 貳兩 乾地黃 肆兩

右三味以水捌升煮取貳升溫服壹升多吐下

婦人產中虛煩亂嘔逆安中益氣竹皮大丸主之

生竹茹 石膏 各貳分 桂枝

白薇 各壹分 甘草 柒分

右五味末之棗肉和丸彈子大每以飲服壹九日
三夜二服有熱者倍白薇煩喘者加栝實壹分
陳尋常治諸虛煩熱者以竹葉石膏湯温膽湯殊不
知產後與尋常不同如石膏等藥不宜輕用用之必
死

經驗方 治產後煩躁出餘糧壹枚狀如酸餡者入
地理一半四面築緊用炭壹秤發頂火壹斤煨去
火三分耗二為度用濕沙土罨一宿方取出打去
外面一層只用裏內細研水淘澄五七度將紙襯
乾再研數千遍用甘草煎湯調貳錢匕一服立効

渴

熊產後心煩發渴宜清心蓮子飲雜病白濁薛前證若
出血過多虛火上炎用童子小便或四物白朮麥門
丹皮若胃氣虛而有熱用竹葉歸芪湯若血虛發熱
用八珍加麥門五味若血脫發熱煩躁用當歸補血
湯若胃氣虛弱用補中益氣湯或七味白朮散 一
產婦患前證朝寒暮熱肚腹作痛以手按之不痛余
以為血氣俱虛用八珍之類治之彼反行逐血更加
發熱煩躁余用當歸補血湯熱躁漸止用八珍麥門
五味氣血漸復

產後
熟地黃湯 治產後虛渴不止少氣脚弱眼眩飲食無味

熟地黃

酒洗淨蒸焙壹錢半

人參

去蘆

麥門冬

去心各貳錢

瓜蒌根

貳錢

甘艸

炙半錢

右作一服水貳鍾糯米壹撮生薑叁片紅棗叁枚

同煎至壹鍾不拘時服

產寶療產後大渴不止

蘆根

切壹升

瓜蒌

人參

甘艸

茯苓

大棗

貳拾枚

麥門冬

右以水玖升煮取叁升分三服頓服四劑卽瘥忌

菘菜

黃芩散

氏揚

治產後血渴飲水不止

黃芩

麥門冬

各等分

哎咀每服叁錢水盞半煎至捌分去滓温服無時

括蔞根湯

集

療產後血渴

括蔞根

肆兩

麥門冬

去心

人參

各叁兩

生乾地黃

甘艸

各貳兩

土瓜根

伍兩

大棗

貳拾枚

產寶無地黃麥門冬有牡蠣粉等分

哎咀以水捌升煮取貳升半分三服

千金竹葉湯 療產後虛渴少氣力

竹葉 參升

甘艸

人參

茯苓 各壹兩

小麥 伍合

生薑

半夏 各叁兩

麥門冬 伍兩

大棗 拾伍枚

右咬咀以水九升先煮竹葉小麥薑棗取柒升去

滓內藥再煎取貳升去滓一服五合日三夜一

七味白朮散 治中氣虛弱津液短少口乾作渴或

因吐瀉所致者

人參

白朮 炒

木香

白茯苓

甘草 炒

藿香

乾葛 各壹錢

右水煎服

竹葉歸芪湯 治胃氣虛弱口乾作渴惡冷飲食者

竹葉 壹錢半

黃芪 貳錢

白朮

人參

當歸 各壹錢

麥門冬 去心柒分

甘艸 炒伍分

右水煎服

玄胡索散 治產後失血渴不止

鬱金

乾葛

桂心

青皮

枳殼

玄胡索

右各等分以好醋浸一宿焙乾末之每服貳錢陳

皮湯調下日三夜一

五後
百四
桃花散 治產後不煩而渴

新石灰

壹兩

黃丹

伍錢

右為細末渴時井水調下壹錢

本治產後出血太多虛煩發渴用真正蒲黃末貳錢
白湯調下如渴燥甚井花水下

治產後中風煩渴用紅花子伍合微炒研碎以水煎
濃徐徐呷之

療血渴及產後渴疾用蓮子心生取為細末米飲調
下貳錢効

自汗

大夫虛汗不止者由陰氣虛而陽氣加之裏虛表實
陽氣獨發於外故汗出也血為陰產則傷血是為陰
氣虛也氣為陽其氣實者陽加於陰故令汗出而陰
氣虛弱不復者則汗出不止也凡產後血氣皆虛故
多汗因之遇風則變成瘧縱不成瘧亦虛乏短氣身
體柴瘦唇口乾燥久則經水斷絕由津液竭故也
薛按前證屬血氣俱虛急用十全大補湯如不應用
參附芪附等湯若汗多亡陽發瘧尤當用前藥王海
藏先生云頭汗出至頸而還額上偏多蓋額為六陽

之所會也。由虛熱熏蒸而出竊謂前證當以部位分之。額左屬肝，額右屬肺，鼻屬脾，頤屬腎，額屬心。治者審之。一產婦略聞音響，其汗如水而昏憤，諸藥到口即嘔。余以為脾氣虛敗，用參附末為細丸，時含三五粒，隨液嚥下，乃漸加之。至錢許，却服參附湯而痊。一產婦盜汗不止，遂致廢寐，神思疲甚，口乾引飲。余謂血虛有熱，用當歸補血湯以代茶，又以當歸六黃湯內黃芩連檉炒黑倍加人參五味子二劑而愈。
大凡產後忽冒悶汗出不識人，治用雞子及竹瀝二法見前血暈
詳前證屬太虛宜固元氣為主其汗不止必變柔瘳

東垣先生云：婦人分娩及半產漏下，昏冒目瞶，蓋因血暴亡而火上熾，但補其血則神自昌。若常時血下當補而升舉其氣，陽得血而神安，則目明矣。今立一方以補手足厥陰之血，兼益陽氣，名曰全生活血湯。
全生活血湯 治發熱自汗盜汗目瞶四肢無力口乾頭暈行步欹側

- | | | |
|----|-------------------------|------------------------|
| 升麻 | 芍藥 <small>炒各參錢</small> | 柴胡 |
| 當歸 | 防風 | 羌活 |
| 獨活 | 葛根 | 甘草 <small>炒各貳錢</small> |
| 川芎 | 藁本 <small>各壹錢伍分</small> | 生地黃 |

熟地黄 各壹錢 細辛

蔓荊子 各伍分

紅花 叁分

右每服伍錢水煎熱服

麻黃根散 治產後虛汗不止

當歸

黃芪

麻黃根

牡蠣 煨為粉

人參

粉草 各等分

右咬咀每服肆錢水壹盞煎至柒分去滓溫服

又方

當歸

黃芪 各壹兩

麻黃根 貳兩

右咬咀每服叁錢水壹盞煎柒分去滓服

千金療產後風虛汗出不止小便難四肢拘急難以

屈伸

甘草 多壹兩

附子 半箇炮去皮尖

桂心

芍藥 各壹兩半

右咬咀每服叁錢水壹盞生薑肆

片棗壹枚煎柒分去滓空心溫服 忌豬肉冷水生葱等物

經効療產後汗出不止

黃芪 拾貳分

白朮

牡蠣 煨

茯苓

防風

麥門冬 去心

生地黄 各捌分

大棗 柒枚

右咬咀水貳升煮取柒合去滓空心分溫兩服

療產後血氣暴虛汗出 淡竹葉煎湯參合微溫服
之須臾再服

又方 馬齒莧研取汁參大合煮一沸投蜜匙許冷
停頓服無新者用乾者
煮汁入蜜服

止汗散 治產後盜汗不止一應汗多者皆可服

牡蠣煨研 小麥麩炒令黃色
煨為粉

右等分和勻煮生豬肉汁調下貳錢無時

人參湯 治產後諸虛不足發熱盜汗

人參 當歸各等分

右為末以豬腰子壹隻去脂膜切小片子以水參

升糯米半合葱白兩條煮米熟取清汁壹盞入藥
貳錢煎至捌分溫服不拘時

當歸六黃湯 治氣血虛熱盜汗不止不應加人參

白朮心血不足加酸棗仁炒

當歸 熟地黄自製

黃芪炒各
貳錢

生地黄 黃芩炒黑

黃芩炒黑

黃連炒黑各
壹錢 右水煎服

參附湯 治陽氣虛寒自汗惡寒或手足逆冷大便

自利或臍腹疼痛吃逆不食或汗多發瘧等證

人參壹兩 附子炮伍
錢

右作一服薑棗水煎徐徐服去人參加黃芪名芪
附湯

芪附湯 治陽氣虛脫惡寒自汗或口噤痰涌四肢
逆冷或吐瀉腹痛飲食不入及一切虛寒等證

黃芪 壹兩

附子 炮伍錢

右作一劑薑棗水煎服如不應倍加附子方得全
濟

當歸補血湯 見前

十全大補湯 見下

黃疸

丹治一婦人四月內產發黃四肢倦怠食少經事不
來時發熱脉弦

白朮 壹兩

人參

秦朮

牡丹皮

生地黄

木通

柴胡

芍藥 各半兩

川芎

黃芩

乾葛 各壹錢

甘草 伍分

右分十二貼水煎食前熱服

發熱

薛產後虛煩發熱乃陽隨陰散氣血俱虛若惡寒發熱煩躁作渴急用十全大補湯若熱愈甚急加桂附若作渴面赤宜用當歸補血湯若誤認為火證投以涼劑禍在反掌王太僕先生云如大寒而甚熱之不熱是無火也熱來復去晝見夜伏夜發晝止不時而熱是無火也當治其心如大熱而甚寒之不寒是無水也熱動復止倏忽往來時動時止是無水也當助其腎故心盛則生熱腎盛則生寒腎虛則寒動於中心虛則熱收於內又熱不勝寒是無火也寒不勝熱

產後發熱

女科五

百九

產後 女科五
是無水也。治法前證無水者六味丸無火者八味丸氣血俱虛者八珍湯與十全大補湯。大尹俞君之內產後發熱晡熱吐血便血兼盜汗小便頻數胸脇脹痛肚腹痞悶。余曰此諸臟虛損也。治當固本為善。自恃知醫用降火之劑更加瀉利腸鳴嘔吐不食腹痛足冷始信余言診其脈或浮洪或沉細或如無其面或青黃或赤白此虛寒假熱之狀時雖仲夏當捨時從證先用六君子湯加炮薑肉桂數劑胃氣漸復諸證漸退更佐以十全大補湯半載全愈。儒者楊敬之內人所患同前但唾痰涎或用溫補化痰之劑不應面色黧黑兩尺浮大按之微細此因命門火虛不能生脾土脾土不能生諸臟而為患也用八味丸補土之母而痊。一婦產後三日起早况氣血未定遂感身熱目暗如風狀卽以清魂散二服得微汗而愈。滑伯仁治一產婦惡露不行臍腹痛頭疼寒熱衆皆以爲感寒溫以薑附益大熱手足搐搦語謔目擗診其脈弦而洪數面赤目閉語喃喃不可辨舌黑如焙燥無津潤胸腹按之不勝手蓋燥劑搏其血內熱而風生血蓄而爲痛也曰此產後熱入血室因而生風卽先爲清熱降火治風涼血兩服頗爽繼以琥

珀牛黃等稍解人事。後以張從政三和散行血破瘀。三四服惡露大下如初時。產已十日矣。于是諸證悉平。一婦盛暑月中產三日發熱。其脉虛疾而大惡露不行。敗血攻心。狂言叫呼。奔走掣捉不住。以乾荷葉生地黃牡丹皮濃煎湯調下生蒲黃二錢。一服卽定。惡露旋下而安。一婦產後時發昏瞽。身熱汗多。眩暈口渴。或時頭痛惡心。醫用四物涼血之劑。病不減。又用小柴胡。病益甚。石山至診。得浮洪搏指。汪曰。產後而得是脉。又且汗多。而脉不爲汗衰。法在不治。所幸者不喘不泄耳。其脉如是。蓋涼藥所激也。用人

參參錢黃芪貳錢甘草當歸各柒分。白朮門冬各壹錢。乾薑陳皮黃芩各五分。煎服五劑。脉斂而病漸安。王愈憲宜人。產後因沐浴發熱嘔惡。渴欲引冷水。瓜果謔語若狂。飲食不進。體素豐厚。不受補。醫用清涼熱增劇。診得六脉浮大洪數。江曰。產後暴損氣血。孤陽外浮。內真寒而外假熱。宜大補氣血。與八珍湯加炮薑八分。熱減大半。病人自以素不宜參芪。不肯再服。過一日復大熱如火。復與前劑。潛加參芪炮薑。連進二三服。熱退身涼而愈。

行血

當歸養血丸

產後腹痛

當歸黃芪湯

腰痛

虛 當歸補血湯

當歸散 並見胎自墮半產條

虛 大全人參湯 見上自汗

羅氏犀角飲子 治產後亡津液虛損時自汗出發熱困倦唇口乾燥

犀角

麥門冬

白朮

各半兩

柴胡

壹兩

枳殼

麩炒

地骨皮

生地黄

甘草

炒

當歸

人參

茯苓

黃芩

黃芪

各半錢

右咬咀每服肆錢薑叁片浮麥柒拾粒水煎服

虛熱 三之一湯 治產後虛勞發熱日久不安

柴胡

黃芩

人參

半夏

川芎

當歸

芍藥

熟地黄

甘草

各壹錢半

作一服水貳鍾薑叁片紅棗壹枚煎一鍾無時服

虛熱 三分散 治產後日久虛勞發熱

川芎

當歸

芍藥

熟地黄

白朮

白茯苓

黃芪

各壹錢

柴胡

人參

各壹錢半

黃芩

半夏

甘草

各半錢

右作一服水貳鍾生薑叁片紅棗壹枚煎至壹鍾

食前服

加味道遙散

治產後發熱口乾作渴唇裂生瘡

當歸

白芍藥

乾葛

生地黄

川芎

黃芩

人參

麥門冬

柴胡

烏梅

甘草

右剉散分作二服用水壹鍾煎至柒分空心服

囊

產後發熱多屬虛寒惟乾薑加入補藥中神效此

丹溪法也

人參當歸湯

治產後去血過多血虛則陰虛陰虛

則生內熱心胸煩滿呼吸短氣頭痛悶亂晡時轉

其與大病後虛煩相類

往來寒熱

郭產後乍寒乍熱者何答曰陰陽不和敗血不散能

令乍寒乍熱產後血氣虛損陰陽不和陰勝則乍寒

陽勝則乍熱陰陽相乘則或寒或熱若因產勞傷臟

腑血弱不得宣越故令敗血不散入於肺則熱入於

脾則寒醫人若誤作瘧疾治之則謬矣陰陽不和宜

增損四物湯敗血不散宜奪命丹又問二者何以別

之時有刺痛者敗血也但寒熱無他證者陰陽不和

也增損四物湯不一皆隨病加減薛產後寒熱因

氣血虛弱或脾胃虧損乃不足之證經云陰虛則發

熱陽虛則惡寒。若兼大便不通，尤屬氣血虛弱。切不可用發表降火。若寸口脈微，名陽氣不足；陰氣上入於陽中，則惡寒；用補中益氣湯。尺部脈弱，名陰氣不足；陽氣下陷於陰中，則發熱；用六味地黃丸。大抵陰不足，陽往從之，則陽內陷而發熱；陽不足，陰往從之，則陰上入而惡寒。此陰陽不歸其分，以致寒熱交爭，故惡寒而發熱也。當用八珍湯。若病後四肢發熱，或形氣倦怠，此元氣未復，濕熱乘之故耳。宜補中益氣湯。若肌熱大渴引飲，目赤面紅，此血虛發熱，用當歸補血湯。若認爲寒則誤矣。一產婦惡寒發熱，用十

全大補加炮薑治之而愈。但飲食不甘，肢體倦怠，用補中益氣而安。又飲食後犯怒，惡寒發熱，抽搐咬牙，難候其脈，視其面色青中隱黃，欲按其腹以手護之。此肝木侮脾土，飲食停滯而作用。六君加木香一劑而安。一產婦惡寒發熱，余欲用八珍加炮薑治之。其家知醫，以爲風寒，用小柴胡湯。余曰：寒熱不時，乃氣血虛也。不信，仍服一劑，汗出不止，譫語不絕，煩熱作渴，肢體抽搐。余用十全大補湯二劑，益甚，脈洪大。重按如無，仍以前湯加附子四劑，稍緩數劑而安。吳菱山治一婦人產後去血過多，食後著惱，頭疼身

痛寒熱如瘧。左手弦大微有寒邪。右手弦滑不勻。食飲痰火也。一者因虛而得。宜養正祛邪。遂以茯苓補心湯。去地黃。加羌活。青皮。葱棗三服。汗出身涼。其患漸差。然後以八物湯調理。半月後全愈。一婦產後惡露未盡。瘀血入絡。又感寒邪。身熱如瘧。即以生料五積散五貼。惡露自下。而寒熱除。又一婦產後惡露未盡。因起抹身寒。氣客於經絡。乍寒乍熱。脈緊而弦。以葱白散二貼安。一少婦初產四日。冷物傷脾。胃但覺身分不快。嘔逆飲食少。心腹滿悶。時或腹脇刺痛。晨惡寒。晚潮熱。夜則恍惚。譫語。晝則抽搐。頗類風狀。變異多端。諸醫莫測。或作虛風。或云血凝。實熱用甘溫而行血。以寒涼退實熱。如此半月不效。汪至見醫滿座。亦踞縮診其脈。弦而緊。遂令按之。小腹急痛。知瘀血未盡也。思患者大勢惡露已下。未必還有餘血。偶因寒涼所傷。瘀血停滯。下焦日久。客于經絡。所以變生諸證。須得大調經散倍入琥珀。化諸惡血成水。其患方愈。遂合前藥服之。五日後行惡水。斗許。臭不可近。患人覺倦。病勢漸減。然後以人參養榮湯數十貼。月餘如初。

雲產後往來寒熱。四物內加小柴胡湯。

產後 婦科五
百七
保治日久虛勞微有寒熱脉沉而數宜柴胡四物湯

川芎

當歸

芍藥

熟地黄 各壹錢半

柴胡 捌錢

人參

黃芩

甘草

半夏 各叁錢

右為末水煎服

雲產後往來寒熱脉弦者少陽也小柴胡加生地黄湯

柴胡 貳兩

黃芩 伍錢

人參 叁錢

半夏 壹兩半湯洗

大棗 叁枚

生地黄

梔子

枳殼 炒各伍錢

右如前煎服

增損柴胡湯 治產後虛發寒熱飲食少腹脹

柴胡

人參

甘草

半夏

陳皮

川芎

白芍藥 各等分為散

增損四物湯 方見本草卷腹痛 評曰乍寒乍熱榮衛不和難以輕議若其敗血不散豈止入脾肺二臟邪大抵

一陰閉一陽即作寒熱陰勝故寒陽勝故熱只可云敗血循經流入閉諸陰則寒閉諸陽則熱血氣

與衛氣解則休遇再會而復作大調經散五積散
入醋煎佳

雲岐熟地黃散 治產後蓐勞皆由體虛氣力未壯
勞復所起四肢煩疼時發寒熱不思飲食

熟地黃

人參

白芍藥

白茯苓

白朮

續斷 各壹兩

黃芪

桂心

五味子

當歸

川芎 各柒錢半

大全方有麥門冬柒錢半

右咬咀每服肆錢薑三片棗壹枚水煎服 一方
無桂心五味續斷有柴胡黃芩半夏 各柒錢半 作散

黃芪丸 治產後蓐勞寒熱進退頭目眩痛骨節痠
疼氣力羸乏

黃芪

鼈甲

當歸 炒各壹兩

桂心

白芍藥

續斷

川芎

牛膝

菴蓉

沉香

栝子仁

枳殼 各柒錢半

五味子

熟地黃 各半兩共為細末

右煉蜜和丸梧子大每服肆伍拾丸食後粥飲下
大調經散 治產後血虛惡露未消氣為敗濁凝滯

榮衛不調陰陽相乘增寒發熱或自汗或腫滿皆

治產後往來寒熱

產後
氣血未平之所為也

大豆

壹兩半炒去皮

茯神

壹兩

真琥珀

壹錢

右為細末濃煎烏豆紫蘇湯調下

加減烏金散 治產後寒熱似瘧

厚朴

柴胡

黃芩

麻黃

各貳錢

陳皮

當歸

川芎

桔梗

茯苓

各壹錢伍分

桂枝

蒼朮

白芷

枳殼

各壹錢

羌活

草果

半夏

各壹錢

甘州 玖分

白芍藥

熟地黄

各壹錢五分

右剉為散分作兩服每服用水壹鍾半薑叁片葱

叁莖煎至壹鍾不拘時服 有汗多當歸川芎白

芍藥熟地黄 有脹多厚朴陳皮 有熱多柴胡

黃芩 有寒多蒼朮草果桂枝 有痰多半夏桔

梗茯苓 有頭痛多川芎白芷羌活 有瀉去枳

殼甘草不用

如方用有餘血塊在腹作潮熱疼

寒香遍身痛加羌活獨活

產寶療產後惡寒壯熱一夜三五度發惡語口中生

瘡時時乾嘔困乏悶絕

往來寒熱

二十元

十一元

人參

獨活

白鮮皮

葛根

防風

青竹茹

遠志

茯神

白斂

貳兩

玄參

參兩

竹瀝

貳升

右取銀壹斤水壹斗伍升煮取柒升下諸藥重煮取參升分溫參服忌魚酒濕麵等

知母湯

治產後乍寒乍熱通身溫壯胸心煩悶

知母

參兩

芍藥

黃芩

各壹兩

桂心

甘草

各壹兩以
上為四兩

右水五升煮取貳升半分三服 一方不用桂心

用生地黃

瘧

婁產後瘧疾多由汚血挾寒熱而作大法宜柴胡四物湯調之熱多者草果飲子寒多者生熟飲子
產後瘧疾因脾胃虛弱飲食停滯或因外邪所感或鬱怒傷脾或暑邪所伏審係飲食用六君加桔梗蒼朮藿香如外邪多而飲食少用藿香正氣散如外邪少而飲食多人參養胃湯飲食勞役用補中益氣湯氣血虛弱用十全大補加炮薑虛寒用六君加薑桂元氣脫陷急加附子大凡久瘧多屬元氣虛寒蓋氣虛則寒血虛則熱胃虛則惡寒陰火下流則寒熱

交作或吐瀉不食腹痛煩渴發熱譫語或手足逆冷
寒戰如慄雖見百證當峻溫補其病自退若誤用清
脾截瘧之類多致不起 一產婦患瘧發熱作渴胸
膈脹滿遍身作痛三日不食嘔酸噯氣此是飲食所
傷脾胃不能消化用六君加神麴山查四劑而不作
酸乃去神麴山查又數劑而飲食進其大便不通至
三十五日計進飲食七十餘椀腹始悶令用豬膽汁
導而通之其糞且不甚燥 一產婦患瘧久不愈百
病蜂起其脉或洪大或微細或弦緊或沉伏難以名
狀用六君加炮薑二十餘劑脉證稍得又用參朮煎
膏佐以歸脾湯百餘劑而瘥 一產婦朝寒暮熱或
不時寒熱久不愈用六君子補中益氣兼服百餘劑
而尋愈

草果飲子 治婦人產後瘧疾寒熱相半者或多熱者宜此

半夏 湯泡 赤茯苓 甘草 炙 草果 炮去

川芎 陳皮 白芷 各貳錢 青皮 去白

良薑 各貳錢半 乾葛 肆錢

右以咀每服參錢水壹大盞薑參片棗貳个同煎
至柒分去滓當發日侵早連進三服無有不安

生熟飲子 治產後瘧疾多寒者

肉豆蔻 草果仁 厚朴生去粗皮 半夏

陳皮 甘草 大棗去核 生薑

右八味等分細剉和勻一半生一半用濕綿紙裹

煨令香熟去紙與一半生者和勻每服秤伍錢重

水貳錢煎至柒分食前一服食後一服

補遺產後瘧疾熱多寒少者清脾湯 寒多熱少者

養胃湯 久而不已者七寶飲方並見雜病瘧

羸勞

夫產後羸勞者此由生產日淺血氣虛弱飲食未平復不滿日月氣血虛羸將養失所而風冷客之風冷搏于氣血則不能溫于肌膚使人虛乏勞倦乍卧乍起顏容憔悴食飲不消風冷邪氣而感于肺肺受微寒故咳嗽口乾遂覺頭昏百節疼痛榮衛受于風邪流注臟腑須臾頻發時有盜汗寒熱如瘧背膺煩悶四肢不舉沉重着床此則羸勞之候也 又曰婦人因產理不順疲極筋力憂勞心慮致令虛羸喘乏寒熱如瘧頭痛自汗肢體倦怠咳嗽痰逆腹中絞刺名

產後羸勞

女科五

百三

曰羸勞 薛按前證當扶養正氣為主用六君子湯加當歸若脾肺氣虛而咳嗽口乾用補中益氣加麥門五味若因中氣虛而口乾頭暈用補中益氣加蔓荊子若肝經血虛而肢體作痛用四物參朮若因肝腎虛弱而自汗盜汗寒熱往來者用六味丸加五味子若因脾虛血弱肚腹作痛片經不調用八珍湯倍加白朮若因脾虛血燥皮膚瘙癢用加味道遙散大抵此證多因脾胃虛弱飲食減少以致諸經疲憊而作當補脾胃飲食一進精氣生化諸臟有所倚賴其病自愈矣仍參虛煩發熱方論主治 汪一婦產未

滿月因怒氣血流如水三日方止隨又勞苦四肢無力睡而汗出日晡潮熱口乾五心如炙諸醫皆用柴芩薄荷之類其熱愈熾診其脉弦大無力此羸勞也以四物湯壹兩入胡黃連秦艽青蒿各半錢數服熱退身涼後以黃連八珍丸一料而安

虛熱 石子湯 療產後虛羸喘乏乍寒乍熱如瘧四肢疼痛面色痿黃名曰羸勞

豬石子

壹雙去脂膜四破

香豉

一方無此有知母

葱白

切

粳米

當歸

芍藥

各貳兩

右咬咀分兩劑每劑用水參升煮取壹小椀去滓

分三服 廣濟無芍藥有人參

增損柴胡湯 見前往來寒熱

豬腰子粥 治蓐勞發熱 用豬腰子壹枚去白膜

切作柳葉片以鹽酒拌先用粳米壹合入葱椒煮

粥鹽醋和將腰子鋪盆底以熱粥蓋之如作盒生

狀空心服

虛寒人參鼈甲散 治蓐勞皆由在產內未滿百日體中

虛損血氣尚弱失於將理或勞動作傷致成蓐勞

其狀虛羸乍起乍卧飲食不消時有咳嗽頭目昏

痛發歇無常夜有盜汗寒熱如瘧背膊拘急沉困

在床服此大効

人參 桂心 當歸 桑寄生

白茯苓 白芍藥 桃仁 麥門冬 去心

熟地黄 各半兩 甘草 各半兩 續斷 貳錢半 牛膝 柒錢半

鼈甲 各壹兩 黃芪 各壹兩

右為細末每服先以豬腎壹對去筋膜以水兩大

盞生薑半分棗叁枚煎至壹盞去豬腎薑棗然後

入藥末貳錢葱白叁寸烏梅壹箇荆芥伍穗煎至

柒分去滓空心晚食前溫服此藥神妙

許仁則療產後日淺久坐視聽言語多或運用氣力

遂覺項膊肢節皮肉痛乍寒乍熱此為毒勞

豬腎壹雙去脂 當歸 芍藥

生薑各貳兩 葱白切 桂心各壹兩

右水捌升煮腎取陸升下藥煮取貳升分溫二服

熟地黄散見前注

白茯苓散治毒勞緣生產日淺久坐多語運動用力致頭目四肢疼痛寒熱如瘧狀宜此

白茯苓壹兩 當歸 川芎 桂心

白芍藥 黃芪各半兩 熟乾地黄壹兩

呶咀先以水貳盞入豬腎壹雙去脂 薑參片 棗參枚 煎壹

盞去三物入藥半兩煎柒分去滓食前分溫三服

黃芪丸往來寒熱

胡氏牡丹散治產後虛羸發熱自汗欲變毒勞或血氣所搏經候不調或寒熱羸瘦

白芍藥 當歸 五加皮 地骨皮

人參各半兩 沒藥 桂心各貳錢 牡丹皮參錢

右為細末每服貳錢水酒各半盞如不飲酒只用

水壹盞開元錢壹枚麻油蘸之同煎柒分去滓通

口服煎不得攪喫不得吹

黃耆煮散治產後毒勞肌膚黃瘦面無顏色或憎寒壯熱四肢痠疼心煩頭痛

鼈甲醋炙 黃芪各壹兩 桂心 當歸炒

桑寄生 白茯苓 白芍藥 人參

熟地黄

麥門冬

去心甘草

炙各半兩

牛膝

半兩

右為細末每服用豬石子壹對去脂膜切破先以水壹盞入薑半分棗叁枚煎至柒分去石子薑棗却下藥伍錢更煎至肆分去滓空心晚食前溫服二滓併煎

黃芪建中湯

治產後諸虛不足發熱或惡寒腹痛

黃芪

炒

肉桂

各壹兩

白芍藥

炒

甘草

每服伍錢薑棗水煎服日二三服虛甚者加附子

紫河車丸治勞傷及產後虛弱大効猶犬產兒即食

其胞衣故無產疾

虛羸

產寶云產後虛羸者皆由產後虧損血氣所致須當

慎起居節飲食六淫七情調養百日庶保無疾若中

年及難產者毋論日期必須調養平復方可涉喧否

則氣血復傷虛羸之證作矣薛前證產傷氣血者

用八瓊湯飲食傷胃者用四君子湯停食傷脾者用

六君子湯勞傷元氣者用補中益氣湯若愛氣覺有

藥味者此藥復傷胃也但用四君子湯徐徐少飲以

調脾胃若胃氣一健血氣自生諸證自愈矣

產後補虛

人參

白朮 各壹錢

黃芩

歸身尾 各伍分

川芎 半兩

陳皮 叁分

右水煎服如有寒加乾薑叁分茯苓壹錢

保命三元湯治產日久虛勞而脉浮大者即小柴胡合四物也

治產後日久虛勞鐵灸不効者三合散 此四君子四物小柴胡三

方合和是也

白朮

川當歸

芍藥

黃芪

茯苓

熟地黃 各壹兩

柴胡

人參 各壹兩半

黃芩

半夏

甘草 各陸錢

川芎 壹兩

右為粗末每服壹兩水壹鍾半煎服日三

當歸羊肉湯 治產後雖無疾者但覺虛弱兼心腹痛

肥羊肉

壹斤去脂水壹斗煮取捌升去肉

當歸 伍兩

黃芪

肆兩

生薑 陸兩

右以肉汁煮三味取貳升伍合分為四服若覺惡

露不盡加桂叁兩惡露下多加芎叁兩有寒加茱

萸壹兩有氣加細辛貳兩有熱加生地黃汁貳合

保命治產婦虛勞不能食十全散 即十全大補湯

十全大補湯 治諸臟虧損氣血俱虛惡寒發熱或自汗盜汗便血吐血或大便不實飲食少思或胸腹作痛口舌生瘡或耳目不明牙齒不固

人參 白朮 白茯苓

黃芪 當歸 熟地黃酒洗 蒸焙

白芍藥炒 川芎各壹錢 肉桂

甘草炙各伍分 右薑棗水煎服

當歸建中湯 見前腹痛

雲岐治產後虛損飲食不下四物加建中參白朮 茯苓主之

療產後大虚心腹急痛血氣上搶心氣息乏補益方

黃芪 白朮 當歸 人參

甘草各貳兩 生薑肆兩 先以白羊肉叁斤去膜水

壹斗玖升煮肉取汁伍升下諸藥煮叁升分三服

冷勞 大夫產則血氣勞傷臟腑虛弱而風冷客之冷

搏於血氣血氣不能溫於肌膚使人虛乏疲頓致羸

損不平復若久不平復風冷入於子臟則胞臟冷使

人無子 **薛**前證若血氣虛弱用八珍湯血氣虛寒

用十全大補湯胃氣虛弱用補中益氣湯脾氣虛弱

用六君子湯命門火衰用八味丸肝脾血虛用加味

道遙散肝脾鬱怒用加味歸脾湯

產寶療產後風虛羸瘦勞弱不生肌肉

黃耆

當歸

芍藥

人參

各參分

桂心

甘草

川芎

生薑

各肆分

大棗

拾貳枚

右九味水柴升煮參升分温參服

療產後虛勞骨節疼痛頭汗不出

當歸

人參

生薑

各貳兩

黃芪

叁兩

淡豉

叁合

豬腎

貳枚

粳米

叁合

薤白

叁分

右水壹斗伍升先煮豬腎取陸升

下諸藥煮取貳升分爲叁服

又方

豬腎壹雙煮人葱豉作臠如常食之

痞悶

郭問產後口乾痞悶者何答產後榮衛大虛血氣未

定食麵太早胃不能消化麵毒結聚於胃腕上熏胸

中是以口乾燥渴心下痞悶醫者不識認爲胸膈壅

滯以藥下之萬不得一但服見晁丸則愈 陳無擇

評曰產後口乾痞悶未必只因食麵或產母內積憂

煩外傷燥熱飲食甘肥使口乾痞悶當隨其所因調

之可也心煩宜四物湯去地黃加人參烏梅煎若外

傷燥熱看屬何經當隨經爲治難以備舉飲食所傷

見晁丸却能作効 薛前證若宿食停滯用六君枳

實神麴若因肉食所致更加山查若因魚鱠之類再加陳皮其物既消而仍痞或反作痛作嘔此脾胃受傷用六君子湯或燕酸凌腐加炮薑作瀉更加升麻如不應佐以四神丸或間用補中益氣湯 一婦人食角黍煩渴痞悶腹痛大便欲去不去服消導之藥不應飲食日減肌體日瘦半年矣余謂此食積為患用大酒麴炒為末溫酒調服貳錢俄而腹鳴良久仍下粽而愈 一婦人食魚鮮腹痛患痢諸藥不應陳皮白朮等分為末以陳皮湯送下數劑而愈
見覲丸

薑黃

炒

三稜

醋炒

萹蓄

陳皮

去白

良薑

人參

蓬莪茂

酒炒各等

右為細末用蘿蔔搗爛絞取汁煮麴糊丸如梧子大每服參拾丸蘿蔔湯下白湯亦可

腹脹

郭產後腹脹滿悶嘔吐不定者何答曰敗血散於脾胃脾受之則不能運化精微而成腹脹胃受之則不能受納水穀而生吐逆醫者不識若以尋常治脹止吐藥治之病與藥不相干轉更傷動正氣疾愈難治但服抵聖湯則愈薛前證若敗血傷於脾胃宜用前方若飲食停於脾宜用六君厚朴若飲食傷於胃宜用六君子湯大凡損其脾者當節其飲食為善一產婦患前證或用抵當湯敗血已下前證益甚小腹重墜似欲去後余謂此脾氣虛而下陷用補中益

氣湯加炮薑溫補脾氣重墜如失又用六君子湯而

安

抵聖湯入生薑半兩焙乾水煎方見胎前腹脹○薛氏云此方最宜用之

局方平胃散加人參亦可

